

# 昭通旧志汇编 (四)



昭通旧志汇编编辑委员会  
云南出版集团公司 云南人民出版社



数据加载失败，请稍后重试！

# 《昭通旧志汇编》总目录

序 .....	(1)
<b>第一册</b>	
恩安县志 .....	(1)
昭通志稿 .....	(88)
民国昭通县志 .....	(284)
<b>第二册</b>	
昭通等八县图说 .....	(483)
昭鲁水利工程志 .....	(500)
巧家县志稿 .....	(522)
<b>第三册</b>	
永善县志略 .....	(741)
绥江县县志 .....	(815)
<b>第四册</b>	
乾隆镇雄州志 .....	(953)
光绪镇雄州志 .....	(1091)
<b>第五册</b>	
大关县志稿 .....	(1293)
大关县志 .....	(1363)
<b>第六册</b>	
盐津县志 .....	(1581)
附 录	
乌蒙纪年 .....	(1812)
鲁甸县民国地志资料 .....	(1850)
编后记 .....	(1885)



数据加载失败，请稍后重试！

## 目 录

## 卷之一

- 輿图 ..... (959)
- 星野(气候附) ..... (962)
- 山川 ..... (968)
- 建置 ..... (972)
- 疆域(形势、里甲附) ..... (974)
- 城池(关哨、津梁、道路附) ..... (977)

## 卷之二

- 典礼 ..... (981)
- 朝贺(接诏、读法) ..... (981)
- 祀礼 祠庙 坛壝 耕藉 迎春 救护 ..... (982)
- 燕礼 宾兴 乡饮酒 劝农(附各图) ..... (996)

## 卷之三

- 学校(书院、义学、书籍附) ..... (998)
- 风俗(夷俗附) ..... (1000)
- 户口 ..... (1002)
- 田赋 ..... (1003)
- 课程 ..... (1004)
- 经费(赏恤附) ..... (1005)
- 水利 ..... (1008)
- 积贮 ..... (1009)
- 群祀 ..... (1010)
- 兵防(师旅考附) ..... (1010)

## 卷之四

- 封赠 ..... (1016)
- 秩官(公署附) ..... (1016)
- 名宦 ..... (1024)
- 选举(仕迹附) ..... (1024)
- 人物志(上) ..... (1025)
- 忠烈 ..... (1026)
- 孝义 ..... (1027)
- 文学 ..... (1029)

寿考 .....	(1030)
卷之五	
人物志(下) .....	(1031)
列女(寿妇附) .....	(1031)
流寓 .....	(1033)
仙释 .....	(1034)
方技 .....	(1034)
土司(种人附) .....	(1034)
景胜(古迹、塚墓附) .....	(1036)
物产 .....	(1039)
祥异 .....	(1040)
卷之六	
艺文 .....	(1042)
纶音 .....	(1042)
详禀 .....	(1043)
序 .....	(1058)
引 .....	(1061)
文 .....	(1061)
记 .....	(1062)
书 .....	(1070)
铭 .....	(1071)
诗 .....	(1072)
诗补 .....	(1082)
词 .....	(1085)
赋 .....	(1087)

## 镇雄州志叙

志者，识也。其大者远者识君子，小者近者识小人，非徒镂绘风物，辉媚山川已耳。班、范而后多志，郡国逮州邑各有成书，而词愈备，体愈淆矣。明代惟康对山《武功志》称首，艺林之士，惟以征文考献为难，而不知质直近古，以备輶轩采择之尤难也。余守昭通之岁，索郡志无有，怵然久之。既阅省志，见镇雄一州，雄踞戎叙间，前代置蛮府，亦一夜郎也。今承平日久，设牧丞倅分理。其地米盐通巴。滇大吏筹度支，岁挽铜数百万，转输五百里，而遥视迤西南，古称羈縻州者，顾可同日语哉。是宜识其远大以及近小，垂典章焉。而官于是者辄以三长，盛业谦让，未遑其政，偏而不举，有自来矣。屠君述濂、吕君心哲先后摄篆，以甫成之书，问叙于余，余又畅然久之，谓此不畏难者，不负此也，其一节乎，乃识之如是。

时乾隆四十九年岁次(1784)甲辰嘉平(腊月)下瀚知昭通府事  
沮阳 孙思庭 撰

## 叙

尝闻凡事有数，故由来传“一饮一啄，莫非前定。”语圣人不言此者，盖恐人事弗尽，安心任运，斯大不可也。余今夏来署州篆，适龚公国用从牛街至，旧好相聚，畅话今昔。因谈及州志宜竟，而前牧屠公并以见囑，取而观之已在垂成，惟溪河、津梁、仓储与省志有不符，官廉俸、役食、兵制有未详，是须添载更定者。名胜古迹，有须考核扬厉者。人物、艺文，有须增入者，有更须搜罗者，余则一一为摭拾补缀，稍加点次，讫得就绪，付诸剞劂。嗟夫！一志也，李公至草创粗略固未成，饶公梦铭收举芜杂又未成。屠公志在镂板，会友讨论，以当迁去，于是乎垂成而仍未成。而余顾得寓名其间，且事非龚公所识，乃始终部署，以广于成，凡此岂不皆有数存焉，而有志者，遂亦竟成耶！

乾隆甲辰(1784)天中之前一日(五月初四)

汾阳 吕心哲 撰并书

## 叙

历览载籍，仰纪天，俯纪地，中纪品物，外纪塞徼，其间治与不治，莫不由人之善恶致之。古良史，智足以通难知之意，义足以发难显之情。不惟广众之际，心迹毕见，纵隐微暖昧，一皆昭揭彰著，穷极底蕴，其用归于直笔实录，激浊扬清，以信今传后，斯千载而下犹为兴起。故云：“见辱市人，越宿已忘；见辱君子，万世不泯也。”若致粟作色，使升天入地，则当时且秽之，又遑论三长五短耶。郡邑有乘，虽蕞尔一区，其道亦由是也。国家重熙累洽，删定纂修，覃敷文教，蛮夷率服，皇哉盛矣。镇雄自世宗宪皇帝雍正丁未建州设流，迄我皇上乾隆甲辰五十余载，渐仁摩义，丕变可封，而州志阙焉。前刺史李公至、饶公梦铭，一再蒐辑，粗画轮廓，有志未逮，观而惜之。余承乏以来，风土人情固已熟谙，溪山里落具于听睹。间或咨询遗踪，凭吊故墟，凡有所得，录而贮之，于今五年，蓬勃篋笥，余既乐州人之淳。州人亦安余之拙，顾念官斯土者，历历若尔人，风驰云渺，今皆何在？低徊陈迹，感慨系之。雪泥鸿印，旋复尔尔。父母斯名，情久愈繁。自维薄德，无以貽后来及州人士。于是不辞谫陋，撰汇成书，文不雕饰，门类略备。虽讲闻有限，或愧表扬，而耳目所及，则断不忍挂漏致有湮没。聊用酬志，未足信心。但进退之间，庶几期寡遗憾胸怀，本趣微存于斯。简书下逮，入覲期迫，未竟之绪，属之吕公，补苴张皇，并龚公参定讎校，综理钜刻，始卒其事焉。将读此编者，历指其为宜为幸，与夫，可法可戒，芳臭昭然，无从掩著。舆论褒讥，愈久弥真，上焉者缘是而不敢涉于恶，下焉者缘是而益感发惩创，而相率以趋于善。即使轩采风，亦且披卷备悉，以献天子之廷，是志之所关不綦重哉。异日者或博物君子网罗散轶，搜剔幽隐，更极周详，如石钟山之记于苏文忠，岫嵎碑之释于杨庄介。又风气迥然日上，人文蔚起，栝干风麟，为国效瑞，则增益藻绘，香笺花管，鼓吹休明，是又将为裨谏<sup>①</sup>也已。唯业未观成，乡之为李饶两公惜者，不又转用自惜欤。

乾隆甲辰岁(1784)清和既望(四月十五日)

南洲 屠述濂 撰

<sup>①</sup> 裨谏：春秋时郑大夫，能谏。

## 凡 例

一、志书之作，虽不敢妄窥予夺，而亦事存法戒，非但秩官人物，即俗之贞、淫、奢、俭，备载情状，亦欲以动人欣厌，用夏变夷，翼翼礼乐，转相倡导，一境弦诵，并望于士之翹楚焉。

一、人物志忠孝节义、攸关伦常、扶持世道，固莫重于斯。而异术者，流古史不废三藏一行，希夷承祜诸人，亦各成其一家，至飞鸟啖酒、驱鳄繫虎，往往又不在方外，虽寥寥无几，亦各标门类，善善欲长，窃取其义。

一、志稿有前刺史李、饶两公所存旧牒，虽荒略，不免未竟之绪，而筭路蓝缕，厥功在焉。且意在修辑，志不可没，故更表而出之，不敢掩人之善。

一、苏文忠公谓文贵和平、至足余溢为奇怪，乃不得已。又谓杨子云终身雕虫，以艰深文其浅易。盖文章高古，本不由诂订涩僻，况记叙体裁，尤宜雅当简洁，兴会鼓舞，使览者如接其人、如睹其事、如臻其地，斯为得之，余固未能。仿佛而颇慕此境，一切虬户迅雷之类，不令至笔端也。

一、各类弁言，或纪实而用以颂扬，或援古而微关激劝。比事属辞，虽文不逮意，然不欲富丽为工，至八景题咏，聊用寄意，不娴风雅，难入艺文，只书图后。

一、边地本乏载籍，镇雄归流未久，更鲜书纪。士夫、耆老传闻之间，其言不雅驯者未敢滥收，以附阙疑之旨。至山河、里落，名目鄙俚者，只仍其旧。朝歌胜母不更于时，若强作解事，则白门且为笑矣。

一、祥异见一方者，休咎应在守土。蝗不入境，虎解遁迹，大星陨于州治，德星奏于太史，至诚感物，匹夫动天，理有然者。若夫丰年为上瑞，实乃千古雅言，致祥致异，当官得无凛之。

一、学校固朝廷教育，亦为地方气脉。子游述小人学道，则易使，夫子黜其言，是亦有便长上之事，人家子弟，耳提面命，朝课夕程，恐无造就。而民之秀者，乃歧视之。岂复父母之道天命，或限人不富贵，断不限人不为贤杰，所治得出伟人，何殊芝兰玉树生于庭阶。幸逢盛代，右文措置，师生斋舍，经籍膏火，规模宏远，安得不加意培植？上副国恩，下对多士哉！

屠述谦 谨识


# 卷之一

## 輿 图


不下堂而周之轮广之数，莫善于图。大而萧相国收秦图籍，备悉天下阨塞；小而李赞皇绘图筹边楼，具识夷中要害。凡说所未能畅者，以图述之，斯了如指掌，故图与史并重焉。

我朝四海一家，幅员无外。即如镇雄一区，古所谓牂牁，外之西南夷者，今犹在肘腋矣。归流以来，浹洽德化，山川动植，气象雍熙，夫其枕乌峰而襟赤水，领巴蜀而锁滇黔。土宇几于千里巨，镇雄开唇齿中夏，其间崇墉、雉橰，坛庙、学校，官厅、戎府，仓库、戍亭，桥梁、道路。修建增置，月异日新，规模宏整，用具图于首，以考制度之全，并见封疆之富。志《輿图》。


镇雄州图




文庙之图




武庙之图



知州、吏目署



参将、守备署



## 輿 说

昭通古竇地甸,发脉于曲靖之宣威州,北入贵州威宁州,过牛街子经得胜坡入府境,至二木那建府治焉。右循牛栏江畔,经鲁甸至九莲峰为永善县治。左自角魁(今角奎)河以东,重山复岭,为镇雄州治,向者属于四川。东接水西;西通会理。川黔交界间久为诸夷盘踞。自改隶滇省,平定土夷以后,疆以周索,锡以嘉名,遂成乐土矣。

滇南,《禹贡》梁州之域,镇居东北鄙壤,错黔蜀之交,东抵黔之毕节,南至黔之威宁,西连昭之大关、恩安(今昭阳区),北接蜀之永(今叙永县)、筠(筠连县)、高(高县)、珙(珙县),袤延数百里,号雄州焉。所在嶂峦稠沓,野水不通舟楫,居民率事刀耕火神,五方商贾多流寓焉。州治东北二里有乌通山,七峰叠出,苍翠常新,为镇群山之冠,实来龙之少祖也。他如龙珙藩北,虎踞屏南,左峙乐安、右蟠硃砌,此为州山之大概。顾登山欲悉其支派,当观水而穷其源流。镇北古芒部,地颇阔,而势极高,三滴水峰蛮矗峙衍迤,或连或断,水四下如带,东流之水洛甸为大,以合洗白、妥泥、黄茅、母享诸水,故也。西流之水,白水为大,以合干河、黄水、小溪、洛旺诸水,故也。其西南则有白鸟、沔洛、苴蚪会合,奔腾入黔之七星关。其东北则有桃坝、黑墩诸水会于两河口,出珙之罗星渡。洛泽一河纳威宁之细流。西北二水为川蜀之原本,此其分合之可见者。夫水与山俱自高而下也,得水之源流,即以知山之支派。叙州府高县之镇山,亦以为发脉于古芒部,又可证矣。至于西置彝良州同,东置威信州判,南置母享巡检,北置牛街府知事,并汛防八、关隘八,则又详志于别简,是为说。

## 星野(气候附)

分野之说,王者以仰观俯察按度定方,盖推本于黄帝矣。各州分星视留移辨芒色,又以为一处之候验。虽职在天官,而学士大夫亦有能通其义者,如奏岁星之不见,指使星之人蜀,非皆冯相保章也。镇旧隶西蜀,壤连叙州,属于井分偏近,参墟按明,天文志谓井中五诸侯全无。又谓觜已侵入参,昔之先觜后参者,今不得不先参后觜,是旧传步天图歌,且不可尽按元象变化,何易窥觚<sup>①</sup>。但列宿昭昭,悬示终古;即或偶异,未尝尽然。在天成象,在地成形,一宿下烛,是为主宰,感应之理,寅畏以深,又不可不考而知之。至雨暘寒燠,则视五方异气,非有如洪范所云也。志《星野》,气候附。

① 窥觚:规揆,偷偷地察看。

星野图



井宿步天歌

八星横列河中静，一星名钺井边安。两河各三南北正，天樽三乌井上头。樽上横列五诸侯，侯上北河西积水。欲觅积薪东畔是，钺下四星名水府。水位东边四星序，四渎横列南河里。南河下头是军市，军市团团十三星。中有一个野鸡精，孙子丈人市下列。名立两乌从东说，阙邱两个南河东。邱下一狼光蓬茸，左畔九个弯弧矢。一矢拟射顽狼胸，有个老人南极中，春秋出入寿无穷。

参宿步天歌

总有七星觜相侵，两肩双足三为心。伐有三星足里深，玉井四星足右阴。屏星两扇井南襟，军井四星屏上吟。左足下四天厕临，厕下一点天屎沉。

井宿躔度

东井八星，南方朱鸟七宿之首也。按古历法，井宿赤道三十三度三十一分；黄道三十一度三分。国朝历度，井宿三十一度属鹑首未宫，井之星于分为秦、于野为雍梁二州，雨水昏中。

井宿昏旦

六月旦在卯，七月旦在辰。八月旦在巳，九月旦在午。十月旦在未，十一月旦在申、昏在卯。十二月旦在酉、昏在辰。正月昏在巳，二月昏在午。三月昏在未，四月昏在申，五月昏在酉。

### 星野考

《汉书》、《正义·晋志》谓：“牂牁外之西南夷，俱属井鬼。”旧志据之因以镇为连鬼之井，似属未的。按唐僧一行《山河云汉论》云：“天下山河之象存乎两界，观两界之象，与云汉之所始终。”而分野可知其说显而易见。天官家无讥焉。夫天莫高于北辰，而井鬼次之；地莫高于昆仑，而滇黔蜀近之，井鬼所以为梁之分野也。然天汉经井，由井向东南，则南河與鬼次之，故连井入鬼为迤西。由井而向西北，则参觜次之，故连参入井为迤东。镇居迤东之末，踞西蜀之首，自当属天汉之西北。其为居井而不连鬼。殆有著见明显者，查《钦天监分野细度考》内载：“镇雄府即芒部土官入井二十九度；叙州府入井二十三度。”《滇志》东川属参，昭郡接连东川。镇雄旧隶川叙，以郑宗疆、星经，每星一度辖地一千四百六里有奇之说，合于昔人近鬼近参，黄道赤道之井之论。则镇分星不连鬼而近参，似非臆度，即《史记》亦谓“觜参为益州”。虽与东井與鬼为雍州之说杂出，而较之班、张、蔡、李之耑主井鬼差殊，备考于此，以当管窥。

### 气候附

气候之寒暄，因地势而有异。州治近乌山之麓，四围冈阜环拱，寒暑差为冲和，各里高卑不一，寒热颇殊。州西之彝良，土旷风高雨淫雾重，气颇栗烈，种惟荞麦。北之芒部四时偏寒，多风积雨，则直无夏，广植晚稻，惟晴有收。下东、下西、下北，嶂蛮沓绕，田土较腴，暖风醉人，炎气蒸物，故罗海一岁有先登之谷，戈魁（今角奎）终年着单袷之衣。其南里，上东、中东终年和平，云开日丽，雨过风清，引泉灌田，不虞旱潦，夏不须葛，冬不须裘，至于山岚烟瘴，所辖皆无。

### 八景图

數名月濕蒙寧便  
 鹿稱都雲泉帷是  
 升暹宜觸潤眼辨演  
 珠通青磊滋底頭連  
 象義笑霖羣敬姑珠  
 借得蓉雨植亭  
 景賞蒼春碧  
 接邀生楓  
 仙詩翠森  
 人怡麓藪  
 雲  
 五




仙人仙景



鳳翅血頭白以睽為即之斯渺望  
 之巖然空景何有豐德用北穀蘇  
 亦文肯路多道疊鏡佛克修辭  
 無取第生瞻禮讚不容口是科  
 既者先穡之靈機得常在  
 範金成 贊 卷二

月窟禪光



眼肯月墟懷三  
 芥卷角果無高  
 何在何片拾端  
 坐甲于紅氣出  
 乃乃贈慈言盡  
 于也

偈 禪卷